

გორის მუნიციპალიტეტის საკრებულოს ფრაქცია „ქართული ოცნება“

წესდება

ზოგადი დებულება

მუხლი 1. ზოგადი დებულება

1. გორის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველო“ არის საერთო პოლიტიკური შეხედულების მქონე საკრებულოს წევრთა ნებაყოფლობითი გაერთიანება.

2. ფრაქციის შექმნისა და საქმიანობის სამართლებრივი საფუძველია: საქართველოს კონსტიტუცია, საქართველოს ორგანული კანონის „ადგილობრივი თვითმმართველობის კოდექსი“ გორის მუნიციპალიტეტის საკრებულოს დებულება და სხვა შესაბამისი ნორმატიული აქტები.

მუხლი 2. ფრაქციის მიზნები და ამოცანები

ფრაქციის ძირითადი მიზნები და ამოცანებია:

ა) საკრებულოში ქვეყნის საგარეო და საშინაო საკითხებთან დაკავშირებით საკუთარი პოლიტიკური კურსის გამოხატვა და გატარება.

ბ) საკრებულოს საქმიანობის სრულყოფაში მონაწილეობის მიღება.

გ) საკრებულოს წევრთა შესაძლებლობების მაქსიმალურად გამოვლენა და მათი აქტიურობის გაზრდისათვის, ასევე მათ მიერ საკრებულოს რეგლამენტის მოთხოვნათა შესრულებისა და საკრებულოს წევრთა ქცევის სტანდარტების დაცვისათვის ხელშეწყობა;

დ) საკრებულოს კანონშემოქმედებითი საქმიანობის განხორციელებაში ფრაქციის შეჯერებული აზრის გამოხატვა;

ე) ფრაქციის პოლიტიკური პლატფორმის განხორციელება;

მუხლი 3. ფრაქციის ძირითადი უფლებამოსილებები

ფრაქცია უფლებამოსილია:

ა) განახორციელოს საკანონმდებლო ინიციატივის უფლება;

ბ) შეკითხვით მიმართოს საკრებულოს წინაშე ანგარიშვალდებულ, პასუხისმგებელ ორგანოებს;

გ) მონაწილეობა მიიღოს საკრებულოს (მუდმივმოქმედი) კომისიების, დროებითი კომისიების, საკრებულოს დელეგაციების საქმიანობაში წარმომადგენლობის პრინციპის დაცვით;

დ) წარადგინოს კანდიდატები ამ მუხლის „გ“ ქვეპუნქტში მითითებულ ორგანოებში, აგრეთვე გამოიწვიოს ფრაქციის წევრი ამ ორგანოებიდან, გადაწყვიტოს ფრაქციის წარმომადგენლობასთან დაკავშირებული სხვა შესაბამისი საკითხები;

ვ) მოსთხოვოს საკრებულოს აპარატს ფრაქციის ოფიციალური მიმართვის გავრცელება საკრებულოს წევრებს შორის;

ზ) რეგლამენტით დადგენილი წესით საკრებულოსა და კომისიების სხდომებზე გამოთქვას მოსაზრება საკრებულოს მიერ ასარჩევ, დასანიშნ ან დასამტკიცებელ კანდიდატურებთან დაკავშირებით, რომლის დანიშვნაზეც თანხმობას აძლევს საკრებულო;

თ) მოითხოვს პოლიტიკური დებატების დღის დანიშვნა;

ი) რეგლამენტით დადგენილი წესით სხდომის განმავლობაში ისარგებლოს გამოსვლით საკრებულოს სხდომაზე;

კ) რეგლამენტით დადგენილი წესით, კენჭისყრის წინ მოიხოვს საკრებულოს სხდომის არა უმეტეს 10 წუთიანი შესვენება;

ლ) განახორციელოს კანონმდებლობით მისთვის მინიჭებული სხვა უფლებამოსილება;

მუხლი 4. ფრაქციის სტრუქტურა და საქმიანობის წესი

1. ფრაქციის უმაღლესი ორგანოა ფრაქციის სხდომა.

2. ფრაქციის სხდომა, როგორც წესი ღიაა. ფრაქციის სხდომა ფრაქციის სრული შემადგენლობის უმრავლესობა გადაწყვეტილებით შეიძლება დაიხუროს:

ა) ფრაქციის თავმჯდომარის ან ფრაქციაში გაერთიანებული არანაკლებ 3 წევრის მოთხოვნის საფუძველზე;

ბ) კანონმდებლობით გათვალისწინებულ სხვა შემთხვევებში.

3. ფრაქციის სხდომები იმართება საჭიროებისამებრ. ფრაქციის სხდომის მოწვევის უფლება აქვს ფრაქციის თავმჯდომარეს საკუთარი ინიციატივით ან ფრაქციის არანაკლებ 3 წევრს წერილობითი მოთხოვნის საფუძველზე.

4. ფრაქციის სხდომა უფლებამოსილია, თუ მას ესწრება ფრაქციის წევრთა სრული შემადგენლობის უმრავლესობა.

5. ფრაქციის სხდომის დღის წესრიგს ადგენს და ფრაქციის სხდომას დასამტკიცებლად წარუდგენს ფრაქციის თავმჯდომარე.

6. ფრაქციის სხდომა, დღის წესრიგს ამტკიცებს ფრაქციის სხდომაზე დამსწრე წევრთა უმრავლესობით, მაგრამ არანაკლებ სხდომის გახსნისათვის (უფლებამოსილებისათვის) დადგენილი ზღვრის ნახევარისა.

7. დღის წესრიგში ცვლილებების (საკითხის ამოღება ან დამატება) შეტანის ინიცირების უფლება აქვს ფრაქციის წევრს. გადაწყვეტილება მიიღება ამ მუხლის მე-6 პუნქტით დადგენილი წესით.

8. თუ წესდებით სხვა რამ არ არის გათვალისწინებული, ფრაქციის სხდომაზე გადაწყვეტილებები მიიღება დამსწრე წევრთა უმრავლესობით, მაგრამ არანაკლებ ფრაქციის სრული შემადგენლობის ერთი მესამედისა.

9. ფრაქციის სხდომა უფლებამოსილია:

ა) შეიტანოს ცვლილებები და დამატებები ფრაქციის წესდებაში;

ბ) მიიღოს გადაწყვეტილება საკრებულოს სხდომაზე განსახილველი საკითხის შესახებ ფრაქციის ერთიანი პოზიციის გამოხატვის თაობაზე;

გ) აირჩიოს ფრაქციის თანამდებობის პირები;

დ) გადაწყვიტოს ფრაქციის საქმიანობასთან დაკავშირებული ცალკეული საკითხები;

ე) რეგლამენტით დადგენილი წესით წარადგინოს კანდიდატები საკრებულოს არჩევით თანამდებობაზე;

ვ) გადაწყვეტოს ფრაქციის წარმომადგენლობის კვოტების გამოყენების წესი;

ზ) შეიმუშავოს ფრაქციისათვის ბიუჯეტიდან გამოყოფილი თანხის ხარჯვის წესი;

თ) განიხილოს და გადაწყვეტოს ფრაქციაში საკრებულოს წევრის გაწევრიანებისა და ფრაქციის წევრის გარიცხვის საკითხით;

ი) განახორციელოს საკრებულოს რეგლამენტითა და ასევე ამ წესდებით გათვალისწინებული სხვა უფლებამოსილება.

მუხლი 5. ფრაქციის თავმჯდომარე

1. ფრაქცია თავისი შემადგენლობიდან ფრაქციის სხდომაზე, ფრაქციის წევრთა სრული შემადგენლობის უმრავლესობით, კენჭისყრით ირჩევს ფრაქციის თავმჯდომარეს.

2. ფრაქციის თავმჯდომარის კანდიდატურის დასახელების უფლება აქვს ფრაქციის არანაკლებ 3 წევრს.

3. ფრაქციის თავმჯდომარე;

ა) ხელმძღვანელობს ფრაქციის საქმიანობას;

ბ) წარმოადგენს ფრაქციას საკრებულოში და მის გარეთ;

გ) იწვევს და წარმართავს ფრაქციის სხდომას

დ) ანაწილებს უფლებამოსილებებს ფრაქციის მდივანსა და დანარჩენ წევრებს შორის;

ე) ახორციელებს კანონმდებლობითა და წესდებით გათვალისწინებულ სხვა უფლებამოსილებებს.

4. ფრაქციის თავმჯდომარეს უფლება აქვს ნებისმიერ დროს გადადგეს ფრაქციის თავმჯდომარის თამადაგებობიდან.

5. ფრაქცია უფლებამოსილია გადააყენოს ფრაქციის თავმჯდომარე დაკავებული თანამდებობიდან, თუ ამას წერილობით მოითხოვს ფრაქციის წევრთა არანაკლებ ერთი მესამედი. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოეს სხდომის დღის წესრიგში. ფრაქციის თავმჯდომარე გადარჩეულად ჩაითვლება, თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.

მუხლი 6. ფრაქციის შემადგენლობა

1. ფრაქციის წევრად შეიძლება გაწევრიანდეს საკრებულოს წევრი, რომელიც იზიარებს ფრაქციის პლატფორმას და წესდებას.

2. ფრაქციაში გაწევრიანებისათვის საკრებულოს წევრი განცხადებით მიმართავს ფრაქციის თავმჯდომარეს, რომელსაც საკრებულოს წევრის ფრაქციაში გაწევრიანების საკითხი შეაქვს ფრაქციის უახლოესი სხდომის დღის წესრიგში, რისთვისაც ფრაქციის სხდომას მოიწვევს არაუგვიანეს ორი კვირისა განცხადების წარდგენის დღიდან.

3. ფრაქციაში საკრებულოს წევრის გაერთიანების შესახებ გადაწყვეტილება მიღებულად ჩაითვლება ფრაქციის შემადგენლობის უმრავლესობის თანხმობით.

4. ფრაქციის წევრი ვალდებულია:

ა) დაიცვას ფრაქციის პოლიტიკური პლატფორმა და წესდება;

ბ) დაიცვას ფრაქციის სხდომის მიერ მიღებული გადაწყვეტილებები და ფრაქციის თავმჯდომარის მითითებები;

გ) არ განახორციელოს ფრაქციის პოლიტიკური კურსის საწინააღმდეგო ქმედება.

5. ფრაქციის წევრი უფლებამოსილია დადგენილი წესით გავიდეს ფრაქციის შემადგენლობიდან.

6. ფრაქციას უფლება აქვს სრული შემადგენლობის უმრავლესობით მიიღოს გადაწყვეტილება თავისი შემადგენლობიდან ფრაქციის წევრის გარიცხვის შესახებ, თუ:

- ა) მისი საქმიანობა ეწინააღმდეგება ფრაქციის ამოცანებს;
- ბ) მისი საქმიანობა ეწინააღმდეგება ფრაქციის პოლიტიკურ პლატფორმას;
- გ) განზრახ ან არასაპატიო მიზეზით არღვევს ფრაქციის წესდების მოთხოვნებს.

7. ფრაქციის წევრის ფრაქციიდან გარიცხვის მოთხოვნის უფლება აქვს ფრაქციის თავმჯდომარეს ან ფრაქციის არანაკლებ 3 წევრს. ფრაქციიდან ფრაქციის წევრის გარიცხვის მოთხოვნა წერილობით უნდა იყოს დასაბუთებული.

მუხლი 7. ფრაქციის წესდება გადასინჯვა

1. ფრაქციის წესდების გადასინჯვის ინიცირების უფლება აქვს ფრაქციის თავმჯდომარეს, ფრაქციის არანაკლებ 1/3-ს;

2. ფრაქციის თავმჯდომარე ვალდებულია წესდების გადასინჯვის პროექტი გააცნოს ფრაქციის ყველა წევრს და საკითხის ინიცირებიდან ერთი თვის ვადაში იგი შეიტანოს ფრაქციის სხდომის დღის წესრიგში.

3. ფრაქციის წესდების გადასინჯვის შესახებ გადაწყვეტილებას იღებს ფრაქციის სხდომა, თუ მხარს დაუჭერს ფრაქციის სრული შემადგენლობის ორი მესამედი.

მუხლი 8. ფრაქციის სახელწოდების შეცვლა

1. ფრაქციის სახელწოდების შეცვლის ინიცირების უფლება აქვს ფრაქციის თავმჯდომარეს, ფრაქციის არანაკლებ 1/3-ს.

2. ფრაქციის სახელწოდების შეცვლის შესახებ გადაწყვეტილებას იღებს ფრაქციის სხდომა, დამსწრეთა უმრავლესობით.

მუხლი 9. ფრაქციის გაუქმება

ფრაქცია ჩაითვლება გაუქმებულად, თუ ფრაქციიდან წევრთა გასვლის ან გარიცხვის შედეგად მასში გაერთიანებული დარჩება საკრებულოს 3 წევრზე ნაკლები.